

Atuarfik pillugu Inatsisartut inatsisaata allanngortinneqarnera pillugu Inatsisartut inatsisaat (Atuartitsinerup imarisaa, aaqqissuussaaneq, piareersaaneq aamma ilisimasanik katersisarneq pillugit malittarisassanik allannguneq)

§ 1

Atuarfik pillugu Inatsisartut inatsisaanni nr. 15, 3. december 2012-imeersumi imaattunik allannguuteqartitsisoqassaaq:

1. § 18-imi imm. 4-tut ilanngunneqassaaq:

” Imm. 4. Kommunalbestyrelsi angajoqqaat isumasioreerlugit aalajangersinnaavoq atuartoq ukiumik atuarfiusumik atuartitaaffigriikkamini uteqqiilluni atuaqqissasoq, meeqqap ineriartorneranut tunngatillugu aalajangiisuusumik isiginiagassat tamanna pisariaqartippassuk. Assigisaanillu atuartoq pisuni immikkut illuinnartuni ukiumik atuarfiusumik alluisinnaavoq.”

2. § 25-mi imm. 6 kingornanut immikkoortutut nutaatut ilanngunneqassaaq:

” Imm. 7. Atuartut atuartunut angerlarsimaffinniinneri atuartunullu inissianiinneri, tassunga ilanngullugit atuartunut angerlarsimaffiit atuartunullu inissiat illutaannut atortulersornerinullu aamma ilikkagaqarnissamut imarisassaannut minnerpaamik piumasaqaatit, pillugit Naalakkersuisut sukumiinerusunik maleruaqqusaliussapput.”

3. § 31, imm. 1-imi imatut oqaasertalerneqassaaq:

”Atuartitaasussaatitaaneq aallartissaaq atuarnerup aallartinnerani qaammatisiutit malillugit ukiumi meeqqap 6-inik ukioqalerfiani, taamaatissallunilu atuartup ukiuni qulini ataavartumik atuartinneqareerneratigut, taamaattoq tak. § 18, imm. 4”.

4. § 36, imm. 3 imatut oqaasertalerneqassaaq:

” Imm. 3. Naalakkersuisut ilutigitillugu, kommunalbestyrelsip meeqqat atuarfiannik isumaginninnera nukittorsarniarlugu aamma nukinnik atorluaaneq sapinngisamik annertunerpaaq anguniarlugu, ilisimasanik eqiterineq, tamatumani aamma nalilersuinertigut sunniutaasunillu uuttuinertigut aamma ilisimasanik siammarterineq isumagissavaat.”

§ 2

Inatsisartut inatsisaat ulloq 1. januar 2018 atuutilissaaq.

Kim Kielsen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut